

欽定剿平三省邪匪方略

欽定剿平三省邪匪方略正編卷四十二

丁巳年

閏六月初一日

巳亥

觀成奏言查大寧與陝楚接

壤而九龍池距太平交界一百餘里尤爲緊要

近知楚匪陸續逃至太平接准宜綿知會已派

鎮臣朱射斗帶兵堵剿

臣

前因兵力稍單續調

省標重慶新兵六百名已於初十十一日趕到

惟九龍池賊巢地勢險要仰攻不易訪有本地

樵夫能知路徑當卽覓顧多名分派引路十三  
日三鼓密派遊擊愛隆阿等帶漢屯官兵鄉勇  
六百名從洗沙溪繞赴石滾坡之後派協領蘇  
勒芳阿等帶滿漢官兵鄉勇六百名從團寶山  
繞至九龍池之後臣帶領叅將蒲益章等帶兵  
勇七百名從鴉雀水進攻艾葉溪派知府張至  
幹等帶鄉勇三百名隨後策應時天尙未明人

入奮勇先將艾葉溪守卡賊匪盡數殺死當卽  
奪據適愛隆阿等帶領兵勇已從山後箐林攀  
援而上直抵石滾坡向九龍池賊卡拋擲火彈  
趁勢砍開木城

臣

望見火光卽督催弁兵搶上

野猪城山梁蘇勒芳阿等亦由團寶山衝殺競  
進賊匪見官兵三路進攻抵死抗拒武舉楊應  
揚奮勇殺賊陣亡官兵不避矢石痛加剿殺斃

賊無數餘匪向西由漆垵子一帶翻山逃逸隨督令將弁分投追剿二十餘里賊匪見官兵夾擊窮追拚命搶上老木園山頂儘力抵禦時已天晚山霧陡作不辨路徑隨飭官兵於廟垵子山梁駐紮現將老木園緊要隘口派撥兵勇圍堵當將獲賊嚴訊據供賊首陳崇德等四月間起事原有一千多人後由紅線巖等處歸併九

龍池人數實有多少不能知道等語當將該犯等正法其傷亡兵勇容俟查明咨部卹賞奏入上命軍機大臣傳諭宜綿額勒登保觀成曰觀成奏官兵攻克九龍池賊巢所辦雖好而賊首陳崇德又逃往老木園地方不值卽加賞賚現在官兵已將緊要隘口派兵圍堵觀成務當上緊剿辦毋任再有竄逸並加意嚴防勿使與楚匪勾結合夥殺

賊陣亡之武舉楊應揚著咨部加等議卹再前據  
宜綿等奏生擒徐添德王三槐之母並將王三槐  
妻女俘獲可見賊勢窮蹙已極喪膽狂奔並其家  
屬亦不能顧宜綿等當此賊匪潰敗之時自無難  
擒拿首惡迅速歲功至額勒登保等進逼大壠口  
距賊巢甚近賊匪困守窮山無處竄逸又不能再  
有勾結自應乘勝進搗賊巢著額勒登保等迅速

剿辦將該處首夥各犯擒獲後卽赴川省幫同宜  
綿剿賊

初四日壬寅宜綿明亮德楞泰奏言臣等於十六

日督率巴圖魯侍衛將弁兵勇人等搶占小戕  
城山徐添德等捨死抗拒兵勇奮力上撲殺死  
賊目劉學仙林潤二名賊匪五百餘人生擒賊  
目王敬張大壽二名叅將齊齊克遊擊陳大定

千總段大龍李春和外委劉國榮受傷陣亡我  
兵遂據小峩城山梁與賊所屯大峩城山相對  
賊匪自知力不能支十七日五更乘霧雨潛竄  
我兵亟行追趕賊匪沿途將軍械什物盡行拋  
棄又殺賊六百餘人及賊目熊泳霞雷思榜二  
名生擒賊目湯思淳湯國武二名賊匪狡猾性  
成一見官兵卽翻山爬嶺繞道奔走我兵皆攜

帶乾糧竭兩晝夜之力於十九日追至豐城場  
復行圍住查熊泳霞係亭子舖首先起事之犯  
劉學仙訊據衆供係攻陷東鄉時領衆戕害副  
都統佛住知縣張寧陽之犯王敬湯國武係去  
歲打仗先後戕害總兵袁國瓚叅將尙維岳之  
犯<sub>臣</sub>等隨分別將該匪等梟首剉屍凌遲處死  
其楚匪竄至黑山子者經知州常發祥帶領鄉

勇截殺退屯秦家溝竄至中河者爲鄉勇王道

益截殺適提臣穆克登阿帶兵趕至奮勇追擊

賊匪遂逃至太平之固軍壩據險屯紮其在漁

渡壩者亦由竹峪關竄至後河羅文壩一帶焚

掠柯藩帶兵自陝趕至沿途剿殺甚多追至官

渡場臣前派往迎剿之總兵朱射斗亦至太平

趕至兩面夾擊臣等查現在所存匪黨不過二

千餘人而逆首未獲

臣

等未便聚守一處復公

同商酌

臣

德楞泰酌留兵三千名督同鎮臣達

音泰木騰額剿辦徐添德等餘黨

臣

宜綿率明

興等

臣

明亮率索費英阿等酌帶兵勇趕赴中

河後河會同穆克登阿柯藩將固軍壩官渡場

賊匪剿盡卽馳赴太平城口計惠齡等已由竹

峪關入川自西而至其防守卽陽邊界之劉君

輔馬瑀等自已遭

旨酌派一人帶兵至大寧幫同觀成攻剿九龍池賊

匪不日可以蕝事自東而至三面會合所有竄

至太平各股賊匪無難以次削平惟北面陝西

連界自安康至南鄭沿邊千有餘里不可無兵

防守柯藩已入川境未便復令轉回

臣

前咨惠

齡酌留兵四千名交秦承恩嚴密防堵尙有總

兵富商養署總兵田有成足資彈壓如此布置  
四面皆有重兵以次收攏賊若分股竄逸即可  
分投撲滅若合併一處更可一鼓聚殲卽防守  
之兵亦可步步進逼以剿爲堵庶幾易於蕲事  
同日額勒登保福寧奏言賊匪林之華覃加耀  
等屯踞芭葉山其大堠口一路實爲要隘是以  
抵死抗拒臣等昨經督兵接拿營卡近逼隘口

自六月十四日以後一面派兵各路誘擊以分賊勢一面晝夜用土口袋逐層堆垛以便直接大壠口卡牆期於必破乃二十日五鼓我兵正在攻打緊急忽據諸神保報稱賊匪四鼓時已於彼路衝卡從高嶺頭逃竄臣額勒登保除派薩克坦布三音庫楊遇春游棟雲張廷楷等帶兵進剿芭葉山外卽帶同綸布春格布舍富蘭

噶拉三布雅總兵張廷彥等覓路分投兜截行  
有三十餘里遇賊紛紛四竄我兵趕追截殺死  
者沿山遍谷諸神保亦已追賊上嶺又分追十  
餘里時值昏暮暫行駐劄臣福寧亦卽趕到據  
諸神保稱於二十日四鼓聞賊匪放鎗人馬嘈  
雜當卽帶兵出擊不料副將朱士奉遊擊何天  
標二員所管中間兩卡被賊衝開朱士奉因前

次帶有石傷未能帶兵出卡禦賊何天標當時  
腿著鎗傷諸神保到時飭令官兵施放連環鳥  
鎗賊匪不顧仍卽奔逃官兵祇可奮力追擊而  
賊匪竄逸之路係諸神保所管惟有懇求叅奏  
治罪等情臣等仍飭該鎮追趕一面乘月色初  
上亦卽分兵追剿賊匪踉蹌奔走殺戮甚多生  
擒賊目何德中及譚赤宗曹全祿等二十一

名

僉供覃加耀早間業已得受鎗傷見林之華扶  
令上馬等語查賊匪現竄處所距芭葉山五十  
餘里係建始縣地方通巴東恩施兩縣路徑叢  
雜跬步皆山臣等所帶兵力未能分追遂飛飭  
駐守蠻路口之關騰金雞口之慶溥等連夜帶  
兵前來薩克坦布等業將芭葉山餘賊搜剿淨  
盡俱經帶兵趕到卽派於各要路繞截抄殺至

皇朝通志卷一百一十二  
九  
此次賊匪由朱士奉何天標所管營下竄出雖  
該副將等均各帶傷而疎防之罪萬無可逭諸  
神保係領兵大員卽奮力追剿殺賊有二百餘  
人亦難抵過應請

旨將副將朱士奉遊擊何天標革職拿問總兵諸神  
保並請革職拔去花翎仍留軍營効力贖罪

臣

等照料不周亦難辭咎應請

旨交部嚴加議處

同日劉君輔奏言

臣

前在上津堡帶兵取道白

河確探賊蹤迎截十一日奉到

諭旨令

臣

與馬瑀在竹山竹谿一帶邊界堵剿總兵

徐昭德亦帶領原有之兵協剿

臣

當卽由白河

捷徑於十五日移抵竹谿與馬瑀會晤親往察

看邊界竹谿與大寧接壤處所較之竹山尤爲

貼近查正南之渡船口泉溪蕭家坡緊接大寧  
徐家壩實爲由川入楚扼要總徑又東南之向  
家壩中頭寨西南之雞心嶺竹葉關俱與大寧  
毗連正西之關垵秋溝塘卽爲陝省平利縣界  
又查竹山竹谿之洪坪陳家舖及近漢江南岸  
各渡口在在均關緊要臣隨與馬瑀商定立督  
官兵酌擇扼要處所先加防範臣卽帶兵前赴

正南一路嚴密堵截往來策應馬珥帶兵在東  
南一路截住相機會剿其竹谿之西南及竹山  
之各隘渡口現聞徐昭德卽日可到俟其來時  
再行面商擇要堵截其二竹原有鄉勇亦卽分  
佈要隘層層設卡協同官兵堵禦至房縣九道  
梁地方亦與大寧連界經汪新飭派同知周季  
堂管帶健勇數百名前往防堵惟無將官督飭

臣已飭令副將多爾濟扎普星馳到彼督率防

範臣仍與馬瑀不時往來二竹邊界逐加巡防

均奏入

上命軍機大臣傳諭宜綿明亮額勒登保德楞泰福寧曰宜綿等於十六日搶占小義城山十七日五更賊又乘霧雨瀰漫之際潛行逃竄實屬可惡着此情形必是兵圍不固又令賊匪竄逸宜綿明

德楞泰均著傳旨申飭。現在賊匪竄往豐城場復經官兵追及圍住據稱酌留德楞泰與達音泰等帶兵三千名在彼剿辦此事卽責成德楞泰上緊搜捕不可不倍加奮勉以副委任所有殺賊陣亡之叅將齊齊克遊擊陳大定千總段大龍李春和外委劉國榮俱著咨部加等優卹又據額勒登保等奏賊匪於二十日夜間由諸神保一路營卡逃

竄殊出意料之外此由諸神保防堵不嚴以致賊  
匪衝出竄逸諸神保卽著革職拔去花翎仍留軍  
營効力贖罪副將朱士奉遊擊何天標俱著革職  
拿問至額勒登保福寧之咎止於調度未能周妥  
賊匪並非由伊二人劄營地方逸出此時且不必  
交部額勒登保向來打仗奮勉現在此路賊匪仍  
責成額勒登保與福寧督率剿辦務當持以鎮定

不可因賊匪逃逸遂至心忙意亂中無把握再摺  
內稱賊匪現在竄匿之處距芭葉山有五十餘里  
已派令關騰慶溥前往抄截此時賊匪曾否截住  
抑復又往他竄未據聲明倘前路無兵攔截以致  
未經被賊地方復遭蹂躪所關緊要建始與川省  
之大寧相近昨據觀成奏九龍池之賊又竄往老  
木園復經官兵圍住本日劉君輔奏移兵竹山竹

谿堵剿前已有旨令劉君輔及馬瑀徐昭德帶兵  
徑赴大寧堵剿想該提鎮等接奉前旨自己前赴  
大寧倘老木園賊匪剿辦畧須時日著觀成酌量  
於劉君輔馬瑀徐昭德內留一人在老木園幫同  
剿賊分二人帶兵前往建始巴東一帶探聽迎堵  
並著宜綿等一體留心偵探倘芭葉山城匪亦竄  
至川省夔州界內務於帶兵大員內酌分一人前

往幫同額勒登保等夾剿以防賊所會合勾結爲  
要

又命軍機大臣傳諭額勒登保福寧曰本日據奏  
芭葉山賊匪又竄往建始地方已有旨訓飭並令  
上緊追剿但思賊匪於二十日五鼓逃竄此摺係  
二十二日拜發據稱賊匪竄往之處距芭葉山不  
過五十餘里若額勒登保等卽刻跟蹤追躡何至

兩日之久尙未趕上看來額勒登保等自係翼幸  
趕剿淨盡是以遲而未發直至二十二日未經趕  
上賊匪始於是日發摺其摺內稱已飛飭關騰慶  
溥帶兵於要路繞截抄殺又似賊去尙未甚遠但  
該鎮等亦皆在金雞口等處防守一時未必卽能  
將賊匪截住抑或賊又他竄總未據聲敘明晰而  
額勒登保等現在又趕至何處亦未奏及著再傳

諭額勒登保等務宜上緊跟剿以贖前愆不可似  
惠齡等之惟事尾追遲延干咎也

十二日庚戌宜綿明亮德楞泰奏言查楚匪三股

入川一股屯聚太平之城口其兩股先後由竹

峪關至通江境內一股翻山至東鄉中河一股

至東鄉後河一帶在中河者經臣等派穆克登

阿帶兵堵禦追至固軍壩在後河者經柯藩艾

如文沿途截殺追至官渡壩與前此派往太平  
之朱射斗兩面夾擊詎賊匪詭譎異常每股又  
各分爲數起後隊牽綴官兵且戰且走以便前  
隊得以晝夜狂奔二十二日

臣

宜綿明亮帶兵

自普光寺起程其在固軍壩之賊一見官兵並  
不接仗卽翻山思竄穆克登阿正隨後趕殺

臣

明亮適帶兵趕至將後隊之賊截住去路全行

殲斃其在宮渡口之賊見柯藩艾如文與朱射  
斗兩面兵至亦不接仗分爲數隊由山僻小路  
陸續奔逃散則藏匿樹林聚則拒據險隘一日  
之間遷徙無定時惠齡帶兵已至後河慶成德  
齡帶領馬隊先行趕到柯藩等知後起官兵已  
到遂星夜繞出賊前截住一股擊殺賊匪四百  
餘人惠齡等率兵趕到亦將後隊賊匪殲斃甚

衆餘賊均從旁路奔至東鄉前河一帶屯劄

臣

宜綿明亮正督率將弁前進間途次接

臣

德楞

泰來信知於是日帶兵剿殺徐添德等自豐城

場至白馬廟沿途擒殺七八百人惟聞城口之

賊爲太平兵勇所堵不能竄合大寧遂率衆南

奔分爲兩股一至前河將竄南壩場一至開縣

之溫湯井距縣甚近已派守備何峻佐石鼎成

帶兵五百名並調副將王承勲帶兵五百名赴  
開縣防守其南壩場一路實爲東鄉新寧開縣  
總匯隘口需兵堵禦亟請分兵前來臣宜綿思  
白馬廟亦係前河地方徐添德等既竄往該處  
而中河後河兩股楚匪及城口之賊又俱至前  
河一帶自必欲與徐添德等勾合雖徐添德等  
餘黨現在不過千餘而楚匪人數實不下二萬

有餘到處奔突急應分抄截殺當派穆克登阿星

夜帶兵由間道繞至南壩場屯劄與臣德楞泰

聲勢相倚二十三日臣德楞泰督率達音泰巴

圖魯侍衛將弁等帶領漢土官兵武童羅思舉

李子秀等帶領鄉勇分路剿殺徐添德等不敢

抵敵卽捨命奔逃官兵追至半頭山白秀山一

帶正在掩殺之際其中河後河及城口竄來之

楚匪業已會合於山溝樹林內突出數股號衣  
分青白藍三色步行在前騎馬在後我兵猝然  
相遇向前接仗鎗礮並發賊匪恃其人衆相持  
一二時不肯稍退官兵奮勇前進殺死賊匪二  
百餘人生擒七名賊始却退分屯土黃壩至五  
保頂延長三十餘里時天色已晚我兵遂在環  
子山屯紮其夜臣宜希明亮與慶成柯藩艾如

文德齡等先後趕上一十四日臣明亮德楞泰

等分路進攻土黃壩五保頂等處馬步賊衆蜂擁前來經官兵奮勇進撲鎗礮並放擊斃騎馬執旗賊目三名奪獲賊旗一桿上書新營總鎮葉發祥七字殺死賊匪五百餘人搶獲刀子九十餘件賊衆連夜奔竄我兵盡力追趕殺斃四百餘人賊匪又分爲兩股一股千餘人竄至開

縣之溫湯井與城口之賊合夥一股萬餘人竄屯開縣之南天洞火焰壩白巖洞一帶而徐添德王三槐等卽附此股之內臣等公同商酌溫湯井距開縣六十里王承勲等帶兵數百名以之防守則有餘以之剿殺則不足今又添賊一千餘人必須添兵剿堵因派副將長春遊擊王霖宋浩修等帶兵一千名鄉勇二千名迅往剿

辦其南天洞火焰壩白巖洞數處賊數既多且

首逆多在其內臣明亮德楞泰穆克登阿帶兵

由南壩場繞赴賊前慶成柯藩艾如文德齡由

五保頂追擊其後惠齡舒亮於後河一帶搜捕

清楚已抵大堰壩卽日可以趕到恒瑞前經赴

城口剿賊今城口之賊南竄恒瑞亦自太平官

渡一路趕來三面會剿賊匪自無從遁逃至南

壩場一路未便空虛留遊擊沈宗文帶兵一千

名鄉勇二千名駐守以防賊匪折回

臣

宜綿率

同明與索費英阿等亦駐南壩場爲各路策應

惟查開縣之臨江市其地爲水陸衝途屢獲賊

犯俱供賊目等欲仍回湖北滋擾

臣

等嚴飭該

縣實力防範一面委通判英貴將臨江市沿河

船隻盡行撤赴上流多募鄉勇於沿河一帶晝

夜防禦又飭夔州府雲陽萬縣一體嚴加堵禦  
所有大江停泊船隻亦令撤回上流以絕賊匪  
奔竄之路並移行觀成劉君輔馬瑀徐昭德等  
加緊堵截以免竄合大寧賊夥查楚匪雖有二  
萬餘人不過與前此重石子香爐坪賊數相等  
加以惠齡等帶來之兵已倍於從前臣等惟有  
趕緊分途剿殺以期擒獲首逆掃淨餘氛奏入

上命軍機大臣傳諭宜綿明亮額勒登保德楞泰福  
寧觀成曰宜綿等奏官兵截剿賊匪情形所辦俱  
好賊匪雖尙有二萬餘人經大兵四面合圍想賊  
首聚集一處較易圍擒宜綿等當趁此賊匪首夥  
屯聚一處併力攻圍悉數擒縛勿使再有竄逸現  
在賊匪竄聚開縣地方訊有欲回湖北之語宜綿  
業經飭令該縣等將臨江市沿河船隻撤赴上流

並飭夔州府等將大江停泊船隻一併撤回但所  
派之人僅係通判知縣等員恐尙不足倚恃該處  
有專管道府應卽飭令實力妥辦不可如前此陝  
省漢江船隻名爲移泊南岸仍被賊匪搶渡倘該  
道府奉行不力著宜綿摠實嚴叅必當重治其罪  
至開縣距湖北較遠賊匪未必卽行折回而大寧  
與開縣接壤恐賊匪聲言欲往湖北其意實欲與

大寧賊匪合夥不可不嚴行防範。一綿等現又移  
知觀成等加緊堵截著觀成等速將老木園之賊  
剿竣卽帶兵赴開縣迎截協剿至額勒登保等剿  
辦芭葉山竄匪前據奏稱竄往建始縣地方恐亦  
思與大寧之賊合夥額勒登保等旣未能先事預  
防致賊竄逸豈尙不思上緊追剿將功贖罪耶

同日宜綿福寧奏言官兵現俱齊集川省所有

軍糧軍火兵勇鹽菜並夫馬工價各項需用倍  
繁前撥餉銀二百萬兩陸續解到仍屬不敷支  
放合無仰懇

天恩再於附近省分賞撥軍餉銀四百萬兩令各該

省迅速委員管解來川

臣

等仍責成經手承辦

各員撙節辦理實用實銷再

臣

春間帶兵入川

恐軍火糧餉川省趕運不及與秦承恩商酌由

陝西代辦米一萬餘石麥豆三千餘石火藥尤  
繩足資接濟由紫陽西鄉兩路運至太平軍行  
得無貽悞茲楚匪全竄入川惠齡恒瑞舒亮慶  
成柯藩等分路追捕或由通江或由太平泰承  
恩恐川省驟難備供又代辦糧六千石設臺轉  
運並分派道府等官攜帶銀兩隨營支放惠齡  
等得以遄至軍營今各省官兵雲集加以鄉勇

夫役日需口糧約數百石川省軍興已久達州  
附近各屬蹂躪之餘採辦頗艱不得不望隣省  
協濟因札商秦承恩於六千石之外再辦一萬  
石火繩藥鉛酌量配搭足用仍照春間章程由  
紫陽西鄉兩路運至太平庶幾軍儲充裕不至  
臨事周章奏入得

旨著於內庫撥銀四百萬兩解赴達州備用

十四日

壬子

額勒登保福寧奏言查賊匪林之華

等情急奔逃恃其山路熟悉亡命疾走官兵追

剿必須抄前斷後詢問土人據稱賊匪於二十

二日尙在建始縣境內若欲竄至縣治中隔清

江大河一道難以過渡若前至恩施宣恩祇須

過五家河該處河流淺窄恐其由此分竄節經

廵探賊蹤已向五家河前去卽派綸布春諸神

保關騰富蘭三音庫格布舍皂保劉瑞等於二十三日帶兵先出五家河至新村餘金壩一路

攔截

臣

額勒登保帶同總兵張廷彥薩克坦布

噶拉噶達鼐楊遇春游棟雲等由羅雲巖長壩

芭蕉巖下午攔門亦過五家河追剿二十四日

午間追至白果坪見賊匪俱上紅土溪山嶺

臣

額勒登保督兵分佈截剿賊匪攢聚捨命衝抵

甚屬兇悍維時綸布春等亦由餘金壩追上紅  
土溪對面山梁迎頭擊殺三百餘人賊匪方形  
慌亂乃至申刻暴雨如注山氣迷漫忽有賊匪  
一股突從山後直出綸布春等之前官兵兩路  
合力攻擊賊匪始竄上馬河壩山時已傍晚雨  
尚未止賊匪上山飛擲石塊不得不暫於白果  
坪山梁拿卡駐劄此次有叅革總兵諸神保奮

力擊賊連中賊鎗墜馬被害又署副將馬訓都  
司文光斗守備譚公義亦奮勇殺賊陣亡當將  
活擒賊先鋒何祖泰等二十一名逐加研訊僉  
供林之華等見官兵圍逼甚緊是以逃竄不過  
苟延性命未聞要往何處等語當俱寸磔臣福  
寧率同慶溥由伊家村一路過五家河沿途搜  
殺賊匪一百餘人拿獲賊先鋒田起雲賊提點

盛大朋及餘匪鄭元道等十四名所供亦與何祖泰等無異一併殲戮臣等於二十五日在白

果坪會合一處再四商酌賊匪狂奔無定而馬河壩一山通達恩施宣恩兩縣皆關緊要恩施

係施南府城附郭宣恩并無城垣尤須嚴備雖早經行令該守令等防禦尙慮或有疎虞已派總兵張廷彥帶兵馳赴該二縣一帶會同副將

樊繼祖相度情形一面扼要防堵一面確探賊

情進剿外

臣

等於二十六至本月初一等日分

督巴圖魯侍衛鎮將等急攻馬河壩山賊又四

竄我兵晝夜追擊於羊公頭尙書巒長坪等處

連次打仗斃賊甚多守備陳德奎李根長俱擊

賊陣亡賊匪現在竄至宣恩縣屬之椿木營一

帶與官兵相持

臣

等逐日紮營俱近在一處該

匪等自知罪不容誅隨處奔衝希延旦夕而此  
一帶深山窮谷人戶無多俱係相離居住一間  
賊至驚惶躲避任其蹂躪且有爲賊逼脅入夥  
背負器械拉馬者官兵因山路盤折分岐方從  
此路進剿賊又從他處逃遁未嘗不設有疑伏  
聲東擊西衝斷賊匪殲戮生擒者不一而足但  
賊首未得賊衆忽合忽分仍然固結我兵奮勇

追捕實已不遺餘力兼之入山路遠軍糧軍火  
不能接濟民間糧食本屬無多經賊匪搶掠之  
後更無從採買種種情形實屬萬分焦灼惟有  
竭盡心力設法籌畫激勵將士等上緊剿捕奏  
入

上命軍機大臣傳諭宜綿明亮額勒登保德楞泰福  
寧觀成汪新曰額勒登保等由五家河追賊至宜

恩縣之椿木營一帶看此情形究不免落賊之後  
若果緊躡賊蹤何必復行踵探現在賊匪向西奔  
逸若一直前去仍係川省西陽一帶不可不亟籌  
堵截而施南府城及宣恩縣僅派張廷彥帶兵五  
百名協同樊繼祖堵禦亦未免單弱大寧在宣恩  
之北相距較近前已有旨令觀成等酌量情形派  
兵迎剿著傳諭觀成等如此旨到時老木園之賊

業經剿淨即可統領勝兵就近徑赴宣恩一帶夾擊倘剿捕畧須時日觀成係在大寧專辦之人未便輕動而劉君輔亦已年老著派馬瑀帶兵千餘名星馳前赴宣恩一帶幫同額勒登保等剿辦自無虞其他逸至摺內稱入山路遠軍火軍糧不能接濟等語此時附近夔州一帶有剿賊之事川省自難兼顧著汪新飛飭附近施南府各屬星速辦

運探明額勒登保等帶兵向何處剿賊卽運往何處應用不可遲悞至湖北荆宜一帶如有留駐防守之兵與其在彼閒住何不酌派數百名令叅遊等官帶領速往聽候額勒登保等調遣此二事俱著汪新就近酌籌妥辦至額勒登保等一路從前孫士毅原帶之兵俱交福寧統領又惠齡於剿淨灌灣腦賊匪後所有之兵亦帶赴黃柏山交與福

寧而勒保到彼又將黔兵留下加以張廷彥由湖南撤回官兵並諸神保帶往之兵不下萬名而該處賊匪節據奏報或剿殺數百名或一二千名賊數自應日減且現在賊匪奔竄地方並非城市鎮店據稱無從買食其荒僻可知卽有裹脅亦屬無多何以額勒登保等於官兵祇嫌其少而賊匪祇見其多可見從前殺賊之語盡屬虛飾現今馬瑀

帶兵前赴該處又令汪新於附近地方防守兵內  
抽撥數百名前往額勒登保等自行酌量如兵力  
尙不敷圍捕不妨於距賊較遠之各標營及義勇  
內酌調應用俾兵力益加壯盛而糧餉軍火有汪  
新籌辦接濟亦無虞缺乏况林之華等不過畏死  
狂奔勢已窮蹙所謂代賊拉馬背負器械之人不  
過被賊迫脅無奈聽從未必爲之出力一經大兵

圍剿即可立時解散惟當專心剿辦速擒首逆馳  
奏捷音至宣恩縣椿木營一帶與四川邊境相距  
不遠迤西則係西陽石砭等處迤北卽係夔州所  
屬宜綿現在兼署該省總督地方官自必隨時稟  
報得信自早椿木營賊匪究欲竄至何處是否關  
入川境宜綿此時自已得有確信或酌派將領數  
員分兵前赴宣恩迎剿自更得力再諸神保奮力

擊賊中鎗陣亡自因前此賊從伊所管營卡逃竄  
心知愧勵奮不顧身亦堪憫惻諸神保係革職之  
員例無卹典寃念其殺賊捐軀仍特加恩議卹但  
若竟照總兵原職未免過優諸神保著咨部照叅  
將例給予卹典以示懲勸兼施之意其陣亡之署  
副將馬訓都司文光斗守備譚公義陳德奎李根  
長俱屬可憫著咨部各加一等議卹

欽定剿平三省邪匪方略正編卷四十三

丁巳年

閏六月二十一日

已木

觀成奏言查老木園賊匪

陳崇德等現存醜類雖僅千餘而依山爲險於  
路通巢穴之飛沙嶺大竹溪蜈蚣嶺等處安排  
木石以逸待勞

臣

連日將各卡嚴密佈置分撥

弁兵廝尋路徑六月二十七日積雨初晴派遊  
擊德清額佐領順德防禦崇喜等帶領兵勇進

攻大竹溪派遊擊愛隆阿都司徐棐李寅等進

攻飛沙嶺

臣

帶領知府張至幹佐領阿琅阿並

兵勇等隨後策應次日黎明德清額等進至大

竹溪搶上埡口賊人拋擲亂石我兵奮勇爭先

奪佔木卡因地勢險狹難以駐守立即縱火焚

燬時愛隆阿等巡撲飛沙嶺直前衝突賊賊二

十餘名餘匪始行敗退將弁兵勇自辰至未喘

息汗流且樹木愈密路徑愈仄當將各路兵勇徐徐撤下

臣

思仰攻中堅實爲費手惟蜈蚣嶺

一山在老木園之左緊接賊巢設有賊卡二處

若乘其不備連夜搶佔方可扼要進攻派令愛

隆阿德清額等仍由大竹溪飛沙嶺原路進攻

率綴賊勢派署都司李寅等挑撥奮力兵勇一

百名先赴蜈蚣嶺山腳密箐內埋伏俟聞兩路

鎗礮之聲先行搶上二十九日五鼓愛隆阿等  
帶領兵勇直抵大竹溪飛沙嶺施放鎗礮吶喊  
進攻賊匪率衆抗拒李寅等聞聲卽率領兵勇  
趁賊人首尾不能相顧攀上蜈蚣嶺山梁搶奪  
木卡守卡賊匪拋擲木石外委鄭起高身受石  
傷賊匪正在抵死抗拒千總傅廷剛州判馬鳴  
鑾把總方得富李翠外委楊祿並奮力兵勇一

擁糧進賊匪抵禦不住當卽殺斃數名兵勇乘  
勢搶撲二卡賊匪仍敢放鎗抵敵李寅及千總  
楊富貴拋擲火彈首先砍開木卡隨將蜈蚣嶺  
奪佔卽於山梁砍伐樹木豎立木城分派兵勇  
扎駐臣趕緊鼓勵兵勇相機剿辦迅搗賊巢斷  
不敢稍涉遷延

同日宜綿明亮德楞泰奏言查楚匪竄入開縣

等處臣等同惠齡慶成柯藩艾如文德齡於初

一初二等日各帶兵勇分路馳擊南天硎火焰

壩白巖硎屯聚賊匪藏斃一千餘人生擒陳一

禮等四十三名其溫湯井之賊亦經穆克登阿

率同副將王承勳勳長春等進剿擒斬二百餘人

餘俱翻山拚命狂奔隨提陳一禮等嚴訊僉供

匪衆欲往大寧合夥又有一股欲到雲陽如遇

官兵堵截卽仍走回開縣等語餘無要供當卽

正法

臣

等思該匪等現仍分股竄逃十分詭詐

或於密箐潛伏或卽盤踞險要牽綴官兵

臣明

亮德楞泰由九子嶺一路追擊惠齡慶成柯藩

由石筍溝一路追擊

臣

宜綿率同明興索費英

阿由二匯口前進爲各路策應並派穆克登阿

艾如文田有成各帶兵勇繞赴雲陽萬縣一帶

分投堵剿副將王承勲等在溫湯井一路堵截  
恒瑞舒亮由太平一路將落後賊匪逐一搜剿  
趕赴穆克登阿一路會兵合辦初五日

臣

明亮

德楞泰行至路陽壩惠齡慶成柯藩行至陸家  
坪適值賊匪在燈盞窩阮家溝一帶焚掠經兩

路官兵分投截殺慶成會同副都統銜六十七  
二等侍衛額爾金泰二等侍衛莫新都司岳寧

阿及馬隊官兵首先衝擊賊人放鎗抵禦官兵  
冒烟直入賊人慌亂奔逃殺斃賊匪二百餘人  
生擒劉爲正等三十七名惠齡柯藩督率三等  
侍衛江鼎副將觀祥叅將馬斌遊擊吳三泰等  
帶領步兵奮力追殺殲斃一百餘人臣明亮德  
楞奉率同達音泰及巴圖魯侍衛等繞至山溝  
橫衝擊殺賊匪彼此不能相顧分投亂竄官兵

箭射矛截斃賊三百餘人生擒賊匪二十六名  
內有李榮貴一名訊係賊目又據同供徐添德  
王三槐等節經官兵追殺只剩一千餘人東奔  
西竄因到處多有兵勇堵截總不能逃出東鄉  
縣界迨後陝西過來幾股湖北同教之人會合  
一處都說陝西四川交界地方今年八九月內  
還有起事之人日來又被官兵殺了許多現在

分作數起到處焚掠想往大寧雲陽萬縣一帶  
逃走沿途多擄掠人口糧食亦是沿途搶奪等  
語該犯等均受重傷俱卽梟示餘賊向雲安場  
一帶竄逃臣明亮德楞泰同惠齡等乃卽分路  
趕緊追擊臣宜綿因方山坪一路賊匪僅止百  
祥帶兵二千名駐劄大羅坪堵剿未免稍單賊  
匪等若因大兵俱赴東南乘虛出巢滋擾達州

東鄉一帶該處爲轉運軍火糧餉總滙之區不可不預爲籌備隨派朱射斗帶兵二千餘名馳赴大羅坪會同百祥督率該處兵勇務將方山坪賊匪迅速殲除以免牽制再查千總王兆雄把總吳輝張和王樽方顯榮俱因奮勇殺賊陣亡其傷亡兵勇人等容俟查明咨部分別卹賞宜綿又奏言賊匪現趨東南官兵所至距原設

糧臺稍遠時當伏暑夫力易疲

臣

沿途察看情

形於新寧東鄉西路添設臺站由開縣接收轉

運每日以四五十里爲率使夫力不致竭蹶惟

各該處丁壯俱已充當鄉勇夫役雇覓維艱

臣

率同隨營司道先將帶來人夫派赴各臺站接

替滾運並在附近各屬趕緊添雇夫騾催令星

夜前來以資分撥但各路必須大員督辦以專

賁成查有德楞泰帶來之原任江西糧道陳蘭  
森惠齡帶來之陝西臬司先福均係軍需熟手  
卽札委該二員各在前敵總理糧務免致遲悞  
軍火一項業已寬爲籌備其兵丁鄉勇夫役人  
數較多需用米麵料豆等類先儘本省辦理一  
面札知秦承恩由陝省撥來協濟仍恐未能充  
裕復經委員攜帶銀兩沿途就近採辦並勸諭

有糧之戶公平糶賣現在足敷接濟惟各路馬  
隊官兵所騎長馬馳驅日久不無疲斃現於川  
省各標營調馬一千匹酌量更換於追剿較爲  
得力

同日秦承恩奏言

臣

欽奉

諭旨令將錢正萬代賊雇船船戶如何聽從及地方  
何以漫無查禁查明覆奏伏查賊匪未抵漢

集賢堂  
江之前卽已仰蒙

訓示慮及上游淺窄易於偷越迨後賊匪果有從白  
馬石等處過江逃竄節據差查員弁稟報俱係  
涉淺淌渡搶過船隻裝送老小婦女臣恐所查

不實及接到惠齡咨送陳公義錢正萬供詞亦  
稱頭二兩股之賊俱涉水行走後股之賊搶船  
五隻逼令錢正萬斗過雇送家口避難船一隻

渡送男婦大小其餘騎馬之賊仍係浮水淌渡  
是惠齡所訊情形與<sub>臣</sub>差查相同至錢正萬等

如果受賄雇船法難寬貸疎縱之地方官自應  
嚴叅今既據訊明錢正萬爲賊叫船及張三清  
等爲賊渡送婦女老小皆出於被逼被搶非得  
賍受雇可比且據錢正萬供稱被賊砍傷左肩

驗明屬實核其情事與裹脅良民無異<sub>臣</sub>於楚

匪闖入陝境不能迎截以致竄過漢江尙何敢  
諉過屬員爲自行解免地步惟有仰懇

聖恩將

臣

交部嚴加議處以爲貽悞者戒均奏入

上命軍機大臣傳諭宜綿明亮額勒登保德楞泰福  
寧觀成曰此次觀成將蜈蚣嶺賊卡二座搶佔卽  
於該處劄營仍未進抵老木園賊巢擒拏首逆未  
爲滿意至宜綿等一路在南天祠溫湯井兩路分

剿共殲賊一千數百名並未擒獲首逆一人而賊  
衆又向雲安場一帶逃逸似此奔竄無定未經破  
賊之處豈不又遭蹂躪且沿途逼脅擄掠不特黨  
夥日增而糧食亦有資藉日復一日伊於何底若  
不能扼要堵擒迅速完事則賊衆隨時可以裹脅  
又安能禁其不增黨與惟在宜綿等設法斷賊去  
路將各首逆逼向一處按名生擒不可再任他竄

尤當擇要攔截勿使與大寧賊匪聯爲一氣方爲妥善此次宜綿等既未擒獲賊首不值加之賞賚但念各兵等冒暑打仗究屬出力著賞給一月錢糧以示體卹其在燈盞窩等處殺賊陣亡之千總王兆雄把總吳輝張和王樽方顯榮均著咨部加一等議卹又據宜綿奏籌辦糧運事宜諸凡妥協明亮德楞泰入厯戎行且與宜綿在達州共事日

久著責成幫同上緊剿辦慶成與惠齡恒瑞柯藩  
等前因剿賊行走遲延分別革去花翎示懲此次  
慶成既首先出力著加恩賞還花翎朕於軍營帶  
兵人員有功必賞有過必罰慶成此次稍知奮勉  
卽予恩施惠齡等當共知愧奮如果能擒獲首逆  
不特可贖前愆仍可仰邀恩賞

上又命軍機大臣傳諭秦承恩曰錢正萬等係無知

小民見大夥賊匪猝至被其逼脅僱船其情尙屬  
可原至地方官有守土之責如果豫行嚴密防範  
何至賊匪徑行渡江毫無攔阻今旣防守疎虞其  
罪豈容解免秦承恩徇庇屬員未經叅辦轉以不  
敢諉過爲詞自請處分了事實屬錯謬秦承恩著  
先行革去翎頂念其現有經手軍需事件姑暫留  
巡撫之任以觀後效

二十四日

壬戌

額勒登保福寧奏言查椿木營一

帶去施南府之恩施縣尙隔清河賊匪無船不

能徑渡惟至宣恩縣較近

臣

等雖先派總兵張

廷彥前往恩施宣恩兩縣於緊要隘口堵禦誠

恐兵力尙單

臣

額勒登保卽於初二日帶領綸

布春等由土地壩等處抄出椿木營之前攔剿

賊匪遂折回七里荒一帶藏匿當卽督兵跟追

臣

福寧知賊匪業已回竄亦卽帶總兵慶溥等

由椿木營之北泰山廟一帶剿入官兵攻擊甚

緊賊匪於初六日從七里荒竄至五寶山該處

峯巒過陡一時未能直上張廷彥所帶之兵劄

營在帽子山已與五寶山相近隨札飭該鎮於

初七日自山之西同時進剿

臣

等於五鼓督同

綸布春慶溥已圖魯侍衛等直搶五寶山南面

山梁攻至已刻官兵俱上山巔張廷彥領兵亦  
經進逼賊匪自料不能抵禦卽由三花嘴竄入

馬尾溝

臣

以五寶山路徑陡曲未能帶兵捷下

擊殺卽於山巔揮令張廷彥之兵自西而東橫  
出三花嘴尾追殲戮及滾崖墮溝者不計其數

臣

等並卽督兵從五寶山東南覓路下馬尾溝

擬可直至溝底不料行至半坡又均係石壁不

能遽下對面山梁爲鐵廠壩麻鹿口

臣等早經

派令總兵關騰在被堵禦賊匪竟敢屢次攻撲

恐有疎虞遂令慶溥帶兵由大歇廠一路繞往

接應

臣

額勒登保於酉刻帶同綸布春巴圖魯

侍衛等由亂巖中攀援繞道過溝四更時甫上

山梁詎意賊匪已從麻鹿口營卡之下衝出其

時慶溥之兵尙未趕至

臣

額勒登保所帶官兵

到者尙不及百人當令於黑暗中施放鎗箭驚  
喊之聲不絕而賊匪仍紛紛奔竄天甫黎明賊  
人已竄至鐵廠壩紅土溪等處

臣

額勒登保飭

令關騰帶兵追剿初八日晚賊匪又自餘金壩

竄至竹園壩查竹園壩過一深溝卽係官店口

現設糧臺

臣

額勒登保遂分兵令副將楊遇春

迅由尹家村先至官店口防禦並調張廷彥抄

往接應其時慶溥業已趕到臣福寧並緊催後

路之兵踵至臣額勒登保連夜由竹園壩一帶

追奔逐北沿途殲戮甚多初九日已刻抵官店

口山頂望見賊匪已與張廷彥楊遇春帶領之

兵接仗臣飭令官兵速壓將賊匪衝斷截殺四

百餘人並生擒及受傷之賊五十三人訊明均

係匪犯當卽寸磔餘賊分遁長嶺二官坪于溪

一帶此數日內我兵晝夜追賊不惟人人露處  
炊爨亦所不暇而所帶鉛丸火藥亦俱缺乏夜  
間暫住山梁令官兵等趕領軍火卽行前進初  
十日賊又竄上金果坪距金雞口糧臺不遠存  
貯軍火軍糧亦多且爲後路總要之處不可不  
豫爲嚴備臣額勒登保復先派副將楊遇春樊  
雄楚帶兵繞至金雞口護守糧臺相機剿賊十

一日果有賊數百人至金雞口窺伺被楊遇春

等擊退

臣

額勒登保於是日由金果坪緊蹙賊

蹤分路追剿直上紅沙鋪賊匪四竄至松木坪

一帶深山密箐藏匿

臣

福寧一路生擒賊匪三

十餘名俱卽正法隨於十二日早間趕至紅沙

鋪會合林之華覃加耀現在竄匿之所於鶴峯

州長樂長陽巴東等縣處處可通現在酌量兵

力可分三路卽令綸布春張廷彥山志載坪一

帶自北往東進剿其紅沙鋪一路令關騰慶海

自北往南尾追

臣

等帶領薩克坦布三首庫噶

達鼐楊遇春自北往西南從黃柏營土地嶺前

至白魚寨一路截剿復傳知各鎮將領等俱於

緊要隘口駐營留兵防守賊匪見有營卡自不

敢近前必於小路奔竄官兵各執器械密伏小

路備擊使賊人不知兵之多少無從躲避尤不  
許片刻停留予賊以暇如此分路攻擊於附近  
各州縣既可致遭其蹂躪而首逆林之華等  
亦不能久延殘喘再連日追賊打仗千總陳萬  
年盛殿元把總馬正乾屈澄志王榮升俱以奮  
勇殺賊陣亡其餘兵丁等亦有傷亡容另查明  
咨部奏入

上命軍機大臣傳諭宜綿明亮額勒登保福寧觀成  
日額勒登保等分兵三路進剿設法擒拏首逆所  
辦尙好前此賊匪竄至宣恩時距川省邊界較近  
惟恐其與川匪合夥致有滋蔓今經官兵截剿又  
復折竄紅沙鋪一帶卽在黃柏山附近地方此係  
曾經蹂躪之地無可搶掠賊匪奔竄荒山無從得  
食且官兵疊次截剿額勒登保等久在該處於道

路情形亦當熟悉自毋難緊蹙此剿首逆就擒諒  
在卽日再前因芭葉山竄匪已至宜恩一帶恐其  
闖入川境是以令觀成卽派馬瑀帶兵迎剿並諭  
知觀成如大寧賊匪剿盡亦卽親往幫同額勒登  
保剿賊今賊匪業已竄回距川較遠毋庸添兵協  
助而大寧賊匪現在尙未剿竣著觀成等迅速剿  
辦不必再派馬瑀前赴額勒登保等一路卽於事

竣後速赴宜綿等一路會剿

二十六日

甲子

宜綿明亮德楞泰惠齡奏言川楚

賊匪現在合夥狂奔已至雲陽萬縣地方

臣

等

沿途嚴密查察初十日據探弁報稱初九日自

南天洞竄逃賊匪有一股直撲萬縣一股直撲

雲陽經提督穆克登阿及總兵艾如文副將王

承勲等督率兵勇分段截擊賊匪不能衝突過

境旋即折回由分水嶺落花坪等處奔竄

臣明

亮德楞泰率領官兵卽向分水嶺追擊惠齡恒  
瑞慶成舒亮柯藩率領官兵向落花坪追截

臣

宜綿率同明興索費英阿由三匯口至朱家壩

一帶策應並查興肇已抵溫湯井卽囑由開縣

一路前進以防賊匪竄逸十一日黎明各路官

兵俱抵大涼山下該處係雪陽萬縣接壤之地

山梁袤長三十餘里賊匪竄踞山巔若乘官兵經過之時從上下壓橫截去路所關非細

臣等

察看形勢自須將各隊逐一分開繞路齊上使

賊匪前後左右四面受敵庶易得手隨卽公同

商定

臣

明亮德楞泰惠齡慶成恒瑞舒亮柯藩

帶同總兵木騰額達音泰等分兵五路並飭總

兵富成德齡等督同將弁分佈山腰埋伏相機

剿捕當卽鼓勇齊登賊匪愍不畏死鎗礮亂發  
插石齊下官兵蜂擁直前守備趙猶龍把總劉  
國興行營千總楊存福首先搶上山巔殺死執  
旗頭目二人趙猶龍受傷陣亡各兵四圍競上  
登時殺死賊匪一千餘人賊衆慌亂於懸巖密  
箐之中覓路逃竄我兵勇氣百倍跟蹤追捕往  
來截殺餘賊逃至半山均經伏兵突起殲戮無

遺擒獲李添德等四十餘名訊據供稱徐添德  
王三槐與李全王廷詔姚之富等昨在燈盞窩  
阮家溝被官兵殺敗分路奔逃因前面陳家山  
八角坪石崖壩等處有高方朱三姓係川省邪  
教首犯探聞楚匪將到糾聚同教數千人內有  
方正潮一犯領夥黨二三千人先入賊隊留高  
名貴等帶領四五千人在陳家山八角坪屯聚

阻截官兵並因陳家山等處均係要道各遣小  
頭目再往附近糾約匪夥一二日內即可到齊  
俟官兵追到或踞高拒守或讓過一半衝截後  
路等語隨將該犯等概行梟示適柯藩途次仄  
口子擒殺哨探賊匪四五十人拏獲騎馬執旗  
賊目方正宗一名訊與李添德等所供相符臣  
等復悉心商議陳家山八角坪石崖壩等處均

爲進兵必由之路若不將此新起賊匪悉行掃  
除勢必前後受敵因卽挑派得力鄉勇頭羅思  
舉帶精幹鄉勇數百名並令都司張朋酌帶兵  
丁攙雜其間假稱邪教夥黨已將官兵截退大  
師傅現在後面卽刻可到令招頭目前去接見

一同趕上大夥行走等語

臣

等一面各帶原領

官兵

臣

明亮由黃茅嶺進發

臣

德楞泰由龍潭

子進發惠齡慶成由西堂寺進發恒瑞舒亮柯  
藩由走馬坪進發約定十三日子刻在陳家山  
八角坪附近地方分路埋伏凡可竄逸之路一

體安兵防堵是日黎明張朋所帶鄉勇已至八  
角坪將搶獲大凉山賊匪之旗站立山巔招展

並吹動海螺果見山下四圍匪夥紛紛而出齊

來山上探問羅思舉等卽如臣等所教向該犯

等逐一告知並令伊等有名頭目前來見面賄  
有高名貴及方正潮之兄弟方正秀方正爵及  
朱添壽等率其徒衆四百餘人欣然前來張朋  
同羅思舉等將該匪等誘至臣等營前我兵四  
圍齊出將各犯悉數擒下尙有後來匪夥見高  
名貴等均已被縛知爲官兵所誘當卽鳴鑼號  
召一時聚集三千餘人各執器械烏鎗如飛而

至欲將高名貴等搶回我兵號礮一響各路伏  
兵齊出層層圍裏柯藩帶領撒拉爾回兵翻越  
山梁二道抄至賊寨之後達音泰觀祥帶兵從  
山窪抄至賊寨之前其餘官兵分隊迎擊賊匪  
捨命抗拒兇悍異常臣等隨將首逆高名貴等  
押送大營並將賊衆四百餘人駢斬一面鼓勵  
官兵奮勇圍殺直至酉刻將抗拒賊匪三千餘

人殺盡分兵於山邊樹林之內生擒老幼一千  
餘名直至十四日申刻搜獲罄淨賊匪房屋悉  
行燒燬奪獲鳥鎗刀矛一千三百九十餘件存  
留備用牛馬二百餘匹頭米穀百餘石分賞滿  
漢屯土撒拉爾兵丁及各鄉勇臣宜綿飭委川  
東道李憲宜等將生擒賊匪悉心研鞫除從教  
各逆隨即正法被虜上山者酌量保釋外其高

名貴一犯臣宜綿復親加提訊該犯首先傳教

自雲陽以及附近州縣輾轉傳授男婦已有萬人卽非該犯所傳習者亦皆聽其號召賊黨俱稱爲老師傳此次該犯倡議糾衆於陳家山一帶分立前後中左右五營實爲川省傳教首逆其方正秀等俱各帶管數百人及千餘人不等亦屬緊要頭目同惡共濟現在嚴行監禁臣等

查該犯所供雲陽一帶輾轉傳授人數多至萬人之語未便遽信而川東地方伏而未動之賊自必不少亟須辦盡以期弭患未萌雲陽萬縣雖有穆克登阿等督率將弁兵勇分投截剿第沿江上下地方遼闊路徑叢雜恐尙不敷堵禦

復令阿克坦布訥音帶領官兵前往幫辦

臣明

亮等分路抄繞賊前

臣

宜綿率同明興索費英

阿等由臨江市前進搜捕餘匪並派委妥員馳赴雲陽會同地方官將高名貴所供各教匪密速查拏以期盡絕根株至此次打仗有千總劉志明蘇國瑞朱朝相把總張元張國明陳華武舉周玉坤外委唐尙賢李永清俱因殺賊陣亡應同傷亡兵勇一併咨部賞卹再查前次阿爾薩朗陣亡一節臣叅領七十一在彼目擊傳到

詢問據稱五月初一日阿爾薩朗帶領章京前  
鋒校等前往鎮安縣表帶舖我帶領步兵在後  
行走阿爾薩朗路遇騎馬賊匪二百餘人殲殺  
數十人追奔二十餘里到王家坪要想紮營山  
溝內突有賊匪衝出阿爾薩朗仍卽督兵力戰  
不料胸受鎗傷墜馬叅領七格等趕攏救護一  
同受傷陣亡官兵與賊攪殺一處我同副叅領

觀山等帶步兵趕上一湧殺入賊纔退走我亦受傷不能追殺等語再三究詰並無異詞相應據實覆奏奏入

上命軍機大臣傳諭宜綿明亮德楞泰觀成曰此次宜綿分路剿殺並生擒川省另股賊匪閱摺內前幅鋪敘情形竟似已將由楚竄入各匪殲盡及閱至摺尾現在各逆仍未拏獲一人不爲滿意不值

優加懋賞念其已將另起之賊殲盡剪其羽翼辦理尙好宜綿明亮德榜泰著各賞金盒玉喜字牌大小荷包惠齡慶成恒瑞舒亮柯藩著各賞玉喜字牌大小荷包木騰額達音泰富成德齡著各賞玉搬指大小荷包柯藩拏獲賊目方正宗又帶領撒拉爾回兵翻越山梁抄至賊寨之後尤爲出力柯藩著加恩賞還花翎都司張朋豎旗誘賊著以

遊擊陞用鄉勇羅思舉帶領鄉勇往誘賊匪亦屬  
可嘉著以千總卽補以示鼓勵陣亡守備趙猶龍  
著咨部加二等議卹並查明伊子侯事竣後送部  
引見千總劉志明等九員名先後打仗陣亡均著  
咨部加一等議卹至所稱川東地方經高名貴傳  
教人數衆多恐有伏而未動之賊宜綿復令巴克  
坦布訥音帶兵赴穆克登阿等一路剿截餘匪幫

同防範所辦尙未允協現在緊要機宜以擒拏首  
逆六人爲急務首逆旣擒其餘附和黨夥自必瓦  
解卽有潛謀接應之人亦必聞風懾服不敢復動  
若此時遽帶兵搜捕或辦理稍涉張皇轉致激而  
生變且川東邪教甚多傳聞官兵四出搜捕習教  
之人心懷疑懼倘復蠢動滋事更屬不成事體口  
下惟當密爲防範卽高名貴供出有名各犯宜緝

亦當遴派大員督同嚴密訪查毋任地方官辦理不善致生事端或竟俟功竣後徐爲辦理亦無不可

同日

上諭內閣曰護軍統領阿爾薩朗前在鎮安縣表帶鋪地方突遇賊匪受傷陣亡雖係自無防備究念其沒於王事著交部照例議卹其隨同打仗陣亡

之前鋒叅領七格副叅領保衡長青前鋒校阿克  
惇同知高舉及伊子高堯鄉勇頭目九品銜李國  
良均著交部一體卹賞又散秩大臣佛住因派往  
哈密辦事路經陝省就近赴川幫同剿賊前在東  
鄉縣防守殺賊捐軀且伊父三泰從前亦係陣亡  
甚爲可憫佛住著交部從優議卹其同時陣亡之  
協領塔克新佐領石柱遊擊范楸防禦貴隆額勒

精布守備楊成白知縣陸霖張寧陽典史楊永錫

亦均著交部議卹